

UNIBERTSITATEA. Osagarrien sistema Unibertsitatearen funtzionamendurako «onuragarria» dela azpimarratu du

EHUko Gobernu Batzordeak ere baietz esan dio Jaurlaritzaren proposamenari

Osagarriek eragindako zorra kitatzeko batzordea «lehenbailehen» sortzeko eskatu du



LUIS JAUREGIALTZO / ARGAZKI PRESS

Manuel Montero EHUko errektorearen iritziak babestu zituen Gobernu Batzordeak.

PSE-EE

Arrazoi politikoak daudela esan du Aresek

Eusko Jaurlaritzaren eta EHUren artean sortutako lis-karraren atzean arrazoi politikoak daudela esan zuen, atzo, Rodolfo Ares PSE-EE-ko Gasteizko Legebiltzarreko bozeramaileak. Adierazi zuenez, Hezkuntza Sailak EHUko Gobernu Taldearen lanaren aurka egindako salaketak «Monterok Ibarretxeren proposamena errefusatu zuenean hasi ziren». EHUko errektoreak, ordea, ukatu egin zuen joan den astean Jaurlaritzak arrazoi politikoek eragindako jarrera zeukala. «Ez dut uste hori denik. Gainera, ez nuke gura horrela izaterik», agertu zuen Monterok. Bestalde, Jaurlaritzak ez diola Monterori defentsarako aukerarik eman azpimarratu zuen Isabel Cella legebiltzarkide sozialistak. Hala, gogoratu zuen joan den azaroaren 12rako Montero legebiltzarrean agertzeko eskatu zuela, eta atzera bota zutela eskatutakoa.

EZTABAIDA

Gobernu Batzordeko kideek ere sortuko den batzordean ordezkari izateko eskatu zuen sektore batek

eskatu zuen, horrek eragindako zorra zelari kitatu erabakitzen zen bitartean. Gainera, sortuko den batzordean osagarrien sistema goitik behera aztertzeke eskatu zuen sektore horrek. Hala ere, ez zuen inoiz zalan-tzan jarri osagarrien sistema EHUrentzat onuragarria denik.

Atzo Gobernu Batzordean beste eztabaida bat ere izan zen, arazo ekonomikoari aurre egiteko sortuko den batzordea EHUko nork ordezkatzeko duen erabakitzerako orduan. Talde horrek —fakultate handietako ordezkariak osatutakoa— Gobernu Batzordeko hainbat kidek batzorde berriaren egoteko aukera izatea eskatu zuen. Azkenean, ez zen hitzartu nortzuk izango diren EHUko ordezkariak, baina Monterok esan zuen Gobernu Taldeko ekonomia arduradunak egotea hobesten zuela. Hala ere, Gobernu Batzordeko kideren bat ere egoteko konpromisoa hartu zuen errektoreak.

Asier Iturriagaetxebarria | BILBO

Euskal Herriko Unibertsitateko (EHUko) Gobernu Batzordeak baiezkota eman zion Eusko Jaurlaritzak herenegun egindako proposamenari, eta Unibertsitatearen arazo ekonomikoa konpontzeko neurriak hartuko dituen batzordea «lehenbailehen» sortzeko eskatu zuen. Atzo goizean, ezohiko Gobernu Batzordea batu zuen EHUk; gai zerrendan puntu bakarra zeukan: produktibitate osagarriak ordaintzeak eragindako arazo ekonomikoa aztertzea. Gainera, herenegun Jaurlaritzak egindako proposamenak baldintzatutako batzarra izan zen. Jaurlaritzak, Gizarte Kontseiluak eta EHUk osatutako batzordea eratzea proposatu zuen Gasteizko Gobernuak, eta, herenegun Manuel Montero errektoreak egin zuen bezala, EHUko Gobernu Batzordeak ere begi onez hartu zuen.

Gobernu Batzordeak atzo erabakitakoa eta horren inguruan emandako azalpenak ez ziren askorik alendu bezperan Monterok esandakoetatik. Hala, arazoaren larritasuna azpimarratu zuen, eta berau konpontzeko erabaki azkarrak hartu behar direla nabarmendu. «Unibertsitate autonomiaren onerako, behar-beharrezkoa da daukan arazo ekonomikoa konpontzea finantziario plan egonkor baten bitartez, zeinak posible egingo duen irakasleen eta ikerkuntza lanaren funtzionamendu ona», zehaztu zuen Gobernu Batzordeak.

Produktibitate osagarrien sistemaren garrantzia ere azpimarratu zuen Gobernu Batzordeak, «irakasleen, ikertzaileen eta erakundearen beraren lana akuilatzeke balio duelako». Horrez gainera, osagarriak eragindako defizita ordaintzeko orain aste bat Jaurlaritzarekin apurtutako negoziazioak «aurrerrabiatu» zeudela gogoratu zuen.

Osagarrien ordainketa geratzeko eskatu zuten

Osagarrien sistema dagoen moduan uztea eta Jaurlaritzaren proposamenari baietz esatea hitzartu zen, baina Gobernu Batzordeko kideen artean guztiek ez daukatela iritzia bera jakin ahal izan zuen EGUNKARIAK. Alde batetik, sektore batek osagarrien ordainketa geratzeko

Irakasle elebidunak kontratatatzeko habilitazio sistema geratzeko erabaki du EHUk

A.I. | BILBO

Irakasle funtzionarioak kontratatatzeko habilitazio sistema geratzeko erabaki zuen atzo EHUko Gobernu Batzordeak, betiere, plaza elebidunak betetzeko denean. Goizean Unibertsitatearen arazo ekonomikoak aztertzeke ezohiko Gobernu Batzarra egin ostean, arratsaldean, berriro batu ziren, ohiko bilera egiteko. Bertan, besteak beste, 2003 urtean ere aurtengo habilitazio sistemarekin jarraitzea proposatu zuen Gobernu Taldeak; hau da, hurrengo urtean ere irakasle elebidun plaza-zetarako euskara eskakizunik ez egitea.

Joan den irailaren 30ean, kontratazioen inguruko zirkularra bidali zien EHUk irakasle kideei. Bertan argi uzten zen irakasle elebidun plaze-tan euskara meritua baino ez zela izango. Hori argudiatzeko, Espainiako LOU legeak

hori agintzen zuela adierazi zuen EHUk, eta Eusko Jaurlaritzak Euskal Unibertsitateko Legea indarrean ipintzen ez zuen bitartean beste aukerarik ez zeukala.

Orduan, EHUk argitu zuen hori behin-behineko erabakia zela eta 12 irakasle funtzionarioen kontratazioetan baino ez zuela eragingo. Hala ere, 2003 urtean bide berari eustea proposatu zuen atzoko Gobernu Batzarrean, baina, azkenean, gai zerrendan zegoen puntu hori kentzea erabaki zuen EHUk, hori eskatzen zuten gobernu batzarkide batzuen eskaerari jaramon eginez.

Victor Urrutia irakasle errektoreordeak esan zuen eskaera hori pentsatzeko modukoa zela. Urrutiak azaldu zuenez, irakasle funtzionarioak kontratatatzeko 20 eskaera egin ziren irailaren 30etik aurrera, baina horietatik 15 atzera bota zituen EHUk.

Horrez gain, Urrutiak azaldu zuenez, eskaeretak bi irakasle elebidun plazak betetzeko ziren, baina atzera bota zituzten indarrean zegoen habilitazio sistemarekin ezin zutelako ziurtatu irakasleak euskara gaitasuna zeukanik. Egoera hori dela eta, 2003 urtean ez dela irakasle elebidun plaza-zetarako inor kontratatutako agertu zuen Urrutiak.

Sindikatuak, «pozik»

EILAS eta LAB sindikatuak gustura agertu ziren EHUk hartutako erabakiarekin, «nahiz euskara diskriminatzeko duen». «Dena den, euskararen normalizazioan zulo-rik ez sortzea da garrantzitsua», gaineratu zuen LABeko Josetxo Aizpuruak. Arantza Urkaregi EILASeko ordezkariak ere bide beretik jo zuen: «Euskara zaintzeko borondatea erakutsi dute, eta hori aurrerapausoa da».